



Xalq so'zi

2026-YIL – MAHALLANI RIVOJLANTIRISH VA JAMIYATNI YUKSALTIRISH YILI

1991-yil 1-yanvardan chiqa boshlagan

WWW.XS.UZ

E-mail: Info@xs.uz

2026-yil 30-iyun, № 131 (9302)

Seshanba

Saytimizga o'tish uchun QR-kodini telefoningiz orqali skaner qiling.



HAMKORLIKNING BUGUNGI HOLATI VA RIVOJLANISH ISTIQBOLLARI

O'zbekiston Respublikasi Prezidenti Shavkat Mirziyoyev Xalqaro valyuta jamg'armasi "Shveysariya guruhi"ning navbatdagi yig'ilishida ishtirok etish uchun mamlakatimizga kelgan jamg'arma boshqaruvchi direktorining o'rinbosari Bo Lini qabul qildi.



Uchrashuv avvalida Bo Li davlatimiz rahbariga Xalqaro valyuta jamg'armasi boshqaruvchi direktori Kristalina Georgiyevaning samimiy salomi va eng ezgu tilaklarini yetkazdi.

Global moliya bozorlarining bugungi holati va rivojlanish istiqbollarini muhokama qilindi.

Ushbu nufuzli xalqaro institut bilan amaliy hamkorlikni, eng avvalo, o'tgan yil sentyabr oyida Nyu-York shahrida Xalqaro valyuta jamg'armasi rahbari bilan o'tkazilgan uchrashuvda erishilgan kelishuvlar doirasida yanada mustahkamlashning asosiy jihatlari ko'rib chiqildi.

Yurtimizda pul-kredit, valyuta va fiskal siyosatni takomillashtirish kabi yo'nalishlarda amalga oshirilayotgan keng ko'lamli islohotlarda jamg'arma muhim o'rinni tutishi qayd etildi.

Makroiqtisodiy siyosat strategiyasi va raqamli to'lovlar tizimini rivojlantirish, kapital harakatini liberallashtirish, milliy statistika metodologiyasi va davlat daromadlarini boshqarishni takomillashtirish hamda erkin valyuta ayirboshlash kursini qo'llab-quvvatlash masalalarida ekspertlik va texnik ko'makni yanada kengaytirish zarurligi ta'kidlandi.

Mamlakatimiz iqtisodiy idoralari uchun kadrlar tayyorlash dasturlarini rivojlantirish masalasiga alohida e'tibor qaratildi.

O'zbekiston Respublikasi Prezidenti
Matbuot xizmati surati.

YAQIN VA SAMARALI MUNOSABATLAR IZCHIL DAVOM ETTIRILADI

O'zbekiston Respublikasi Prezidenti Shavkat Mirziyoyev 29-iyun kuni Turkman xalqining milliy yetakchisi, Turkmaniston Xalq Maslahati Raisi Gurbanguli Berdimuhamedov bilan telefon orqali muloqot qildi.

Suhbat avvalida davlatimiz rahbari Gurbanguli Berdimuhamedovni tavalld kuni bilan samimiy qutlab, mustahkam sog'liq, oilaviy baxt-saodat, qardosh Turkmaniston xalqiga esa tinchlik-osoyishtalik va ravnaq tiladi.

O'z navbatida, Xalq Maslahati Raisi O'zbekiston yetakchisiga Turkmaniston Prezidenti Serdar Berdimuhamedovning salomini yetkazdi.

Tomonlar strategik sheriklikning bugungi holatini yuksak baholadilar. Barcha darajalarda yaqin va samarali aloqalar davom ettirilmoqda. Tovar ayirboshlash hajmi barqaror sur'atda o'smoqda, sanoat, energetika, transport va boshqa ustuvor tarmoqlarda kooperatsiya loyihalari amalga oshirilmoqda. "Shovot — Toshovuz" savdo zonasi umumli faoliyat yuritmoqda.

Hududlararo, ishbilarmonlik va madaniy-gumanitar almashinuvlar kengaymoqda.

Yaqinda Ashxobod shahrida bo'lib o'tgan Hukumatlararo komissiya va Ishbilarmonlar kengashi yig'ilishlarining yakunlari yuksak baholandi.

Joriy yil oktyabr oyida Turkmanistonda bo'lib o'tadigan Markaziy Osiyo va Ozarbayjon davlat rahbarlarining sakkizinchi Maslahat uchrashuviga tayyorgarlik ko'rish doirasida mintaqaviy kun tartibini muvofiqlashtirish va ilgari surishga alohida e'tibor qaratildi.

PROFILAKTIKA – JAMOAAT XAVFSIZLIGINI TA'MINLASH KAFOLATI

Prezident Shavkat Mirziyoyev profilaktika inspektorlari va jamoat xavfsizligini ta'minlash faoliyatini takomillashtirish, sohada kadrlar tayyorlash tizimini rivojlantirish yuzasidan takliflar taqdimoti bilan tanishdi.

Qayd etilganidek, yo'l-patrul, patrul-post va qo'riqlash xizmati xodimlarining xizmat yo'nalishi va hududidan qat'i nazar, aholi murojaatiga tezkor munosabat bildirishi juda muhim. Jinoyatchilikning oldini olishda huquqbuzarlik omillarini barvaqt aniqlash, ularni bartaraf etish hamda xavf guruhiga kiruvchi shaxslar bilan manzilli ishlash eng samarali profilaktika hisoblanadi.

Shu bilan birga, jinoyatchilikni baholashda raqamlar va ko'rsatkichlarni taqqoslash amaliyotidan to'liq voz kechilmagani ko'rsatib o'tildi. Shu bois krimingen vaziyatni baholashda faqat statistik ko'rsatkichlarga tayanish emas, balki aholi ishonchi, huquqbuzarliklarning qayta sodir etilishi, xavf guruhidagi shaxslar bilan ishlash natijadorligi asosiy mezon bo'lishi zarurligi qayd etildi.

Taqdimotda jamoat xavfsizligi bo'linmalari faoliyati samaradorligini baholash mezonlari "aholiga xizmat ko'rsatuvchi tizim" tamoyili asosida belgilanishi taklif qilindi. Bosh maqsad — aholining jamoat xavfsizligini ta'minlash sohasida amalga oshirilayotgan chora-tadbirlardan roziligi va ishonchiga erishish.

Buning uchun profilaktika inspektorlari, yo'l-patrul, patrul-post va qo'riqlash xizmatlari faoliyatini o'zaro uyg'unlashtirish, ularning aholi murojaatlariga tezkor munosabat bildirish, fuqarolar bilan ochiq muloqot qilish, xavf guruhiga kiruvchi shaxslar bilan manzilli ishlash borasidagi vazifalarini yagona tizimga birlashtirish nazarda tutilmoqda.

Jumladan, yo'l harakati xavfsizligini ta'minlashda ayrim funktsiya va vakolatlarni patrul-post hamda qo'riqlash xizmatlariga, jamoat tartibini saqlashdagi ba'zi vakolatlarni esa yo'l-patrul xizmatiga berish ko'zda tutilmoqda.

Bugungi kunda mamlakatimizdagi 9 mingga yaqin mahallalarda 10 mingdan ortiq profilaktika inspektorlari xizmat qilmoqda. Davlatimiz rahbari bu katta kuch ekanini ta'kidlab, jinoyatchilikni jilovlashda, avvalo, profilaktika inspektori ishini to'g'ri tashkil qilish zarurligini ko'rsatib o'tdi.

(Davomi 2-betda).



JA'HON BANKI BILAN SHERIKLIK YANADA MUSTAHKAMLANADI

O'zbekiston Respublikasi Prezidenti Shavkat Mirziyoyev 29-iyun kuni Jahon banki ta'sischi davlatlarining "Shveysariya guruhi" yig'ilishida ishtirok etish uchun mamlakatimizda bo'lib turgan bankning Yevropa va Markaziy Osiyo mintaqasi bo'yicha vitse-prezidenti Antonella Bassani boshchiligidagi delegatsiyani qabul qildi.

Antonella Bassani davlatimiz rahbariga Jahon banki prezidenti Ajay Banganing samimiy salomi va ezgu tilaklarini yetkazdi.

Jahon banki guruhi bilan strategik hamkorlikni Yangi O'zbekistonda olib borilayotgan tarkibiy islohotlarning ustuvor yo'nalishlari bo'yicha keng miqyosda rivojlantirish masalalari muhokama qilindi.

So'nggi yillarda ushbu nufuzli xalqaro moliyaviy institut bilan ikki tomonlama aloqalar va konstruktiv sheriklik misli ko'rilgan darajaga ko'tarilgani mamnuniyat bilan qayd etildi.

O'tgan yil sentyabr oyida Nyu-York shahrida Jahon banki prezidenti bilan erishilgan oliy darajadagi kelishuvlar izchil amalga oshirilmoqda.

Qo'shma loyihalar portfeli 15 milliard dollardan oshdi. Toshkent shahrida Jahon bankining mintaqaviy ofisi muvaffaqiyatli faoliyat yuritmoqda. Moliyalashtirishning yangi mexanizmlari samarali joriy etilmoqda.

Joriy yilda bo'lib o'tadigan Jahon banki oliy rahbariyatining tashriflari va qo'shma tadbirlarga puxta tayyorgarlik ko'rish muhimligi ta'kidlandi.

Ijtimoiy-iqtisodiy taraqqiyotning eng asosiy yo'nalishlarini qamrab oluvchi yangi uzoq muddatli Mamlakat dasturini ishlab chiqish rejalari qo'llab-quvvatlandi.

Kichik va o'rta biznesni rivojlantirishga ko'maklashish, kambag'allikni qisqartirish chora-tadbirlarini amalga oshirish, davlat korxonalarini xususiy lashtirish bo'yicha qo'shma dasturlarni ilgari surish hamda iqtisodiyot tarmoqlariga sun'iy intellekt texnologiyalarini joriy etishda Jahon banki guruhining moliyaviy vositalaridan foydalanishni kengaytirishga alohida e'tibor qaratildi.

Suv xo'jaligi sohasini moliyalashtirish, inson kapitalini rivojlantirish, shuningdek, O'zbekistonning xalqaro reytinglardagi o'rinishi yaxshilashga ko'maklashish masalalarida yaqin hamkorlikni yo'lga qo'yish ham ustuvor vazifalardan biri sifatida qayd etildi.

BIRINCHI TURKOLOGIYA QURULTOYINING 100 YILLIGIGA BAG'ISHLANGAN XALQARO KONGRESS QATNASHCHILARIGA

Hurmatli anjuman ishtirokchilari!

Avvalo, turkiy dunyoning qadimiy va boy tarixi, ilmiy va madaniy merosini o'rganish hamda targ'ib etishdek g'oyat muhim ishga munosib hissa qo'shib kelayotgan siz, azizlarni bugungi xalqaro kongressning ochilishi bilan chin qalbidan samimiy muborakbod etaman.

Bundan bir asr muqaddam, 1926-yilda Boku shahrida o'tkazilgan birinchi Turkologiya qurultoyi turkiy xalqlarning ilm-fani va madaniy hayoti rivojida yangi davrni boshlab bergan katta tarixiy voqea bo'lgan edi. Mazkur qurultoyda 11 nafar taniqli o'zbek ziyolisi ishtirok etganini biz hamisha faxr bilan esga olamiz.

Bugun ushbu qutlug' sanani xalqaro hamjamiyat vakillari ishtirokida keng nishonlar ekanmiz, ushbu anjuman turkiy xalqlarni birlashtirib turgan mustaqar qadriyatlariga yuksak hurmat va ehtirom ifodasidir.

Hech shubhasiz, milliy xotiramizda o'chmas iz qoldirgan o'sha tarixiy qurultoy haqida so'z yuritganda, turkiy dunyo jadidlarining buyuk xizmatlarini yana bir bor e'tirof etamiz.

Darhaqiqat, XIX asrning oxiri va XX asrning boshlarida ulug' ma'rifatparvar Ismoil G'aspirali "Tilda, fikrda, ishdada birlik" degan ezgu g'oya asosida boshlab bergan ulkan ishlar butun turkiy olamda qudratli milliy uyg'unlash harakatiga aylandi.

Mazkur harakat saflarida O'zbekistondan Mahmudxo'ja Behbudiy, Abdurauf Fitrat, Munavvarqori Abdurashidxonov, Abdulla Avloniy, Is'hoqxon Ibrat, Abdulhamid Cho'lpon va Abdulla Qodiriy kabi fidoyi ziyolilar faol ishtirok etib, turkiy xalqlar o'rtasida ilm-ma'rifat, ta'lim-tarbiya va madaniy taraqqiyot g'oyalarini keng yoyishda alohida jonbozlik ko'rsatdilar.

Ular g'oyat og'ir va murakkab sharoitda maktablar, gazeta va jurnallar, muzey, kutubxona va teatrlar tashkil etdilar, darslik va o'quv qo'llanmalari, islohotchilik ruhida badiiy asarlari hamda siyosiy-ijtimoiy faoliyatlari bilan bepoyon turkiy makonga yangi zamon nafasini olib kirdilar.

Afsuski, mustabid siyosat tufayli bu qahramon ajdodlarimizning asosiy qismi mudhish qatag'onlar qurboniga aylandi. Ammo ularning ezgu g'oyalari, ilmiy merosi va ma'rifatparvarlik an'analari biz uchun bugungi kunda ham ibrat maktabi bo'lib xizmat qilmoqda.

Yangi O'zbekistonda tarixiy adolatni tiklash, jadid namoyandalarning merosini chuqur o'rganish, ularning ilmiy va adabiy asarlarini keng targ'ib etish, tabarruk nomlarini abadiylashtirish hamda yosh avlodni ularning ma'naviy jasorati ruhida tarbiyalash borasida keng ko'lamli ishlar amalga oshirilmoqda.

Hurmatli kongress qatnashchilari!

Buyuk ajdodlarimizning bilim-ma'rifat, ochiq dunyoqarash, milliy hamda umumbashariy qadriyatlariga asoslangan erkin va farovon hayot barpo etish haqidagi boy ilmiy-g'oyaviy merosi biz uchun hozirgi kunda ham muhim ahamiyatga egadir.

Albatta, turkiy davlatlar bilan ilmfan, madaniyat, ta'lim va innovatsiyalar sohaslarida hamkorlikni yanada rivojlantirishda ham biz umumiy o'tmishimizdagi ijobiy tajribalarga tayanamiz.

Tabiiyki, dunyo yangi taraqqiyot bosqichiga qadam qo'yayotgan bugungi sharoitda turkologiya fani oldida ham yangi-yangi dolzarb vazifalar paydo bo'lmoqda.

Ayniqsa, sun'iy intellekt imkoniyatlaridan foydalanish, qo'lyozmalarni raqamlashtirish, umumturkiy elektron lug'atlar va til korpuslarini yaratish, tarixiy manbalarni birgalikda tadqiq etish, yosh turkolog tadqiqotchilarni qo'llab-quvvatlash va akademik almashinuv dasturlarini kengaytirish kabi yo'nalishlarda hamijahat ish olib borishni zamonning o'zi talab etmoqda.

Biz bu boradagi hamkorlik istiqbollarini yanada kengaytirish maqsadida birinchi Turkologiya qurultoyining 100 yilligi munosabati bilan turkiy davlatlarning yetakchi ilmiy markazlari ishtirokida "Turkiy dunyo ma'rifatparvarlari" xalqaro ilmiy-ensiklopedik loyihasini yaratish hamda jadidlik harakati namoyandalarning barcha asarlari va arxiv hujjatlarining yagona raqamli kutubxonasini shakllantirishni taklif qilamiz.

Ishonchim komil, ushbu xalqaro kongress turkologiya sohasidagi ilmiy hamkorlikni yangi bosqichga olib chiqish, samarali tadqiqotlar va qo'shma loyihalarni amalga oshirish hamda turkiy xalqlar o'rtasida do'stlik va birlamlikni yanada mustahkamlash yo'lida muhim tarixiy qadam bo'ladi.

Ana shunday g'oyat mas'uliyatli va sharaflilikda faol ishtirok etib kelayotgan siz, azizlarga mustahkam sog'liq, ilmiy hamda ijodiy faoliyatingizda yutuq va omadlar, kongress ishiga esa muvaffaqiyatlar tilayman.

Birinchi Turkologiya qurultoyining 100 yillik qutlug' sanasi barchamizga muborak bo'lsin!

Shavkat MIRZIYOYEV,
O'zbekiston Respublikasi
Prezidenti

O'zbekiston Respublikasi Prezidentining
QARORI

«MARD O'G'LO» DAVLAT MUKOFOTI BILAN TAQDIRLASH TO'G'RSIDA

Mamlakatimizda amalga oshirilayotgan islohotlarda alohida faollik ko'rsatib, o'zining bilim va qobiliyati, intiluvchanligi, tashabbuskorligi va samarali mehnati bilan Vatanimiz taraqqiyotini yuksaltirish, Yangi O'zbekistonning xalqaro miqyosdagi obro'-e'tiborini yanada oshirishga katta hissa qo'shib kelayotgan, yuksak ma'naviyatli, mustaqil fikrlaydigan, qat'iy hayotiy pozitsiya, keng dunyoqarash va yuqori salohiyatga ega, xalq manfaati va yurt istiqbol uchun mas'uliyatni o'z zimmasiga olishga qodir bo'lgan fidoyi va mard o'g'lonlarimizni munosib rag'batlantirish maqsadida:

tashabbuskor va yetakchi yoshlarimiz "Kelajak bunyodkori" medali bilan mukofotlansin;

Azatova Shaxzoda Alisher qizi — O'zbekiston davlat jismoniy tarbiya va sport universitetining Nukus filiali 4-bosqich talabasi, Qoraqalpog'iston Respublikasi

Odiljonova Kamola Abdunosit qizi — Andijon davlat pedagogika institutining 1-bosqich doktoranti, Andijon viloyati

(Davomi 2-betda).



O'zbekiston Respublikasi Prezidentining
F A R M O N I

YOSHLAR KUNI MUNOSABATI BILAN YURTIMIZNING FAOL VA TASHABBUSKOR YOSH AVLOD VAKILLARIDAN BIR GURUHINI MUKOFOTLASH TO'G'RSIDA

Mamlakatimizda yoshlarni qo'llab-quvvatlash, ularning davlat va jamiyat hayotidagi faolligini oshirish maqsadida o'zining yuksak azmu shijoati, bilim va salohiyati, iste'dod va qobiliyatini namoyon etib, turli sohalarida erishgan yutuqlari bilan Yangi O'zbekiston taraqqiyotiga, uning xalqaro nufuzini yanada yuksaltirishga munosib hissa qo'shayotgan, ona Vatanimizga mehri va sadoqati, namunali xulqi va odobi hamda vatanparvarlik fazilatlarini bilan tengdoshlariga har tomonlama o'rnak bo'lib kelayotgan quyidagi

(Davomi 2-betda).



